


102



無文元選禪師語錄
全

019858-000-3


126-102

無文元選禪師語錄

元選/述

M28.2

ABG-0689



126
102

館書圖京東				
一	〇	三	三	六
冊	號	架	函	類

無文元選禪師語錄

全

後醍醐天皇第十一皇子


興山方廣寺開山

無文元選禪師語錄一冊

并行狀一冊

東京書肆 敬信館刻

無文元選禪師背像



真讚

稽首大無文半身露半德行解相應
佛魔難測鬻道價於大唐認得古梅
春色鳴家風於搏桑流傳雪巖消息
深入奧山豁開方廣祖域暮卜歸休
量略高仰法式偉哉手裡黑蛇吞盡
須彌百億

文明太歲庚子暮春日

四世法孫友勝燒香拜讚

無文禪師語錄序

疇昔大梅法常禪師參得馬祖
即心即佛話遂之四明梅子真
舊隱縛茆燕處鹽官遣僧招之
常老答以偈曰摧殘枯木倚寒
林幾度逢春不變心樵客遇之

猶不顧郢人那得苦追尋一池
荷葉衣無盡數樹松花食有餘
剛被世人知住處又移茅舍入
深居逾遁不出祖亦令僧一問
僧歸來舉似之祖曰梅子熟也
龐居士亦欲驗之相訪致問至

謂其還我核子來士無措矣自
此學者漸臻師道彌著如我
無文禪師幼而脫屣天宮十八
歲把刀落髮親炙可翁雪村二
老日長智證一旦奮起超溟入
元見新笑隱續而參古梅友老

于仰山針芥相投親受范別辭
而請益了菴千岩楚石子有等
諸名宿各以其天韻卓絕履操
不羣見器重矣至若跋涉天台
補陀廬山名區足跡殆遍居之
亡何與南菩薩璨首座發船東

歸實我

崇光帝觀應改元庚寅年也翌
歲入京卜居于西岩倉一把茅
茨扁以歸休而涵養者尚矣後
遊東濃又構歸休菴誓處林壑
不欲高飛遠舉也適被是榮居

士窺一斑延之以奧山深邃山之爲境層巒夾壇溪聯水環有憶天台曾遊因寓止焉居士翔建殿宇師亦有感寺曰方廣終而趨風之士雲集輪下永爲一方之大禪席自爾閣集雲四藤

條於最巔熏古梅一枝髓於大地者迄今既垂于三百數十載矣茲有遠仍淵龍寺主陽舜秀公者得祖錄及行由於多載窮搜中與方廣諸老昏議欲鋟諸梓流于

無文言金序
四
不朽^上一日齋^{シテ}至問^ニ予^ヲ於海^ノ溼^ノ之
室^ニ令^レ繙^ニ閱^ラ之^ヲ同^ニ本^ノ山^ノ衆^ト徵^レ爲^ニ之^ヲ
序^ヲ予^{以テ}以^ニ禱^ス昧^ラ辭^ス之^ヲ秀^ノ公^{謂テ}予^曰
如^キ天^ノ龍^者

後^ノ醍^醐天^ノ皇^追福^之名^場而^吾
祖^モ亦^爲聖^子然^モ况^ア法^系之^同
而容^之如^夫

出自^師夫無^意序^之也^耶予^謹
而容^之如^夫

無^文禪^師器^識少^飾實^德道^業
真^火中^芙葉^而詳^之僧^史及^行
由^豈假^置不^慧一^語乎^簡端^也
乎^然而^加歎^秀公^爲法^忘身^致

致靡忒數撮於常老道蹟相髣髴者書而充之徵而已爾是爲序皆享保十三歲在戊申六月穀旦

現住天龍性琴敬書



奧山叢刊

無文和尚語錄

銷化醍醐投熟

沙揆開方廣自

成家玄珠久秘

龍潭庭宇片光
猶照十車
戊申孟黿


前妙心道忠敬題



享保丁未初夏。余自關東步而
回舊居。路經由方廣禪寺。拜
無文選和尚高蹤。及投宿於龍
潭和尚話及方廣事蹟。出示
選和尚語錄一局。余力請雕板
流通。方廣末流陽舜座元。喜余
芻贊。需書一語。不顧闍短。漫題

云。提無文字正印。坐斷溪奧山。
偈頌及法語。一文文。一句句。不
論心性。發揮正印。惜哉。全錄羅
兵燹。具眼禪流。嘗一變知全鼎
者乎。

古月禪材焚香拜書



溪奧山無文和尚語下

小佛事

報雲寺釋迦點眼并安座

靈山一會二千年金容迄今新現前奇哉如來常住
相紺目澄清照人天正恁麼時說什麼幽都冥府一
瞻一禮出蓋纏以筆點左邊云這邊是肉眼又點右邊云那邊是
天眼那箇是本具足底面目召大衆云好生觀須彌座上
能坐得餘光照臨盡三千

地藏點眼

夫吾大聖薩埵相好端嚴福智滿足新開清淨之寶

目救困苦者離嗜慾無佛世界度羣生不忘忉利天
付囑腦後圓光照昏衢手裏金錫摧地獄稽首大悲
闡提士虛空有盡誓願無極

又

忉利天宮受佛勅闡浮衆生同歸伏手裏寶珠腦後
圓光一瞻一禮皆得其福奇哉地藏大薩埵清淨眼
目新點開謂之正法眼藏亦名本來面目只箇本有
大光明無佛界中利益無谷

觀音點眼

夫吾大聖薩埵過去正法明王如來也初從聞思修

入三摩地圓常智體現利土湛寂真身遍塵區譬如
千江月影萬岫春容所以唯人天增瞻仰以至盡十
方遍法界幽都冥府情與無情靡有不稟渠慈光今
日新開清淨寶目與諸人本來面目同耶別耶大衆
作麼生辨別如其未委某忝開顯去也稽首大悲觀
世音何時休得度生心人言只是闡提士歷劫茫茫
直至今

陞座

奇峯和尚三
十三年忌

一溪流水洒甘露萬壑松風鼓法雷大地山河般若
體誰能直下點頭來問答不錄乃云羣靈一源假名爲佛

只是箇佛輝騰古今歷在目前諸人還知麼豎起拂子云

看看在凡同凡豈異於四生六道在聖同聖不別於

十地三賢嗟呼世人動欲為物所蔽而多是當面嗟

過實可憐所以云欲識佛性義當觀時節因緣且喚

甚麼作時節因緣今日四眾臨筵說法聽法諸山會

合同此證明豈不是時節因緣耶若向這裏薦得則

許汝諸人十二時中行住坐臥語默動靜與三世諸

佛六代祖師古往今來諸善知識把手同行更無纖

毫差別何故如是一月普現一切水一切水月一月

攝更有箇頌子舉似大眾元來佛法一條鐵纜涉思

惟眼裏塵能所泯時重轉首鳥啼花笑一般春恭惟

開山奇峯玄和尚佛光遠裔佛地的孫龍峯和尚入

室之真子也曾學祕密之教瀝乾教海勉扣教外之

旨授透禪關行已精嚴為人痛快正是宗門英靈間

世哲人也師初參見龍峯和尚時峯問云舉僧問雲

門如何是佛門云乾屎橛汝作麼生會於此不能加

對如毒箭入心然後三十年脇不著席恰如吞栗棘

蓬亦似透金剛圈規行矩步孜孜兀兀專理會此事

其志勇猛最可仰慕也及勉年剗卻參天荆棘建立

一伽藍雖歲月久後昆昆相續華菓委陳香燈羅列而

諸莊嚴具塵不稱足其遠大之計全非凡情所及可
謂末世光明幢也日昨堂頭和尚特蒙降尊就予報
日幸而值先師示寂之辰請下山爲衆舉揚般若令
他結香火之緣某辱雖承尊命老病逼身起居不復
養拙林間掛口壁頭安得敢對人天說法再三固辭
他更懇請勤不已矣茲爲重其命勉強而拜赴法筵
豈料東西兩序排雁行諸山高名枉象駕江湖名勝
如雲聚會渾非我儂平生所計雖然如是臨時難逃
避聊陳管見如此切望休怪下情無勝慚惶之至記
得古靈神贊禪師爲本師說法云靈光獨耀迥脫根

塵體露眞常不拘文字心性無染本自圓成但離妄
緣卽如如佛其師於言下感悟今日有人問只如堂
頭和尚爲本師修無限勝利與昔日古靈說法同耶
別耶卽向他道咄一人發眞歸源十方虛空悉皆消
殞乎

拈香
同前

此香生於天地之前超於萬物之表拈起則掃除凡
聖未染之塵爇卻則薰徹佛祖不到之境今日茲值
開山老和尚三十三回之辰代他受業眞子道峯和
尚爇向爐中聊伸眞法供養爲是知恩報恩復是雪

其屈乎噴珊瑚枕上兩行淚半是思君半恨君

又如願菴主拈香

獨立風前重憶別光陰倏忽歷三秋冰連江海魚無躍雪擁山林笋不抽

大日本國關東道三州路額田縣慈雲菴住持比丘尼某今月初一日值如願菴主大祥之辰表供佛齋僧之儀茲尋命山野焚香供養十方婆伽梵一切賢聖衆所集勝利專伸濟導冀尊靈常生淨界菩提心而不退般若智以現前法界有情同證妙果者恭惟七十餘年幻夢中三從五障一時空兜樓熱卻薰聞

見功德無邊終不窮

又蓮寂禪門拈香

薰風洒泪頻追憶彈指夢回三十秋厚德深恩何以報綠陰山色使人愁

日本國關東道三州路高橋莊居住三寶弟子某今日茲值先考蓮寂禪定門遠忌之辰謹發誠心就于廣澤禪菴拜請闔山清衆揮金以表供佛齋僧之儀仍命山野焚香更獻十方諸聖所集善因專伸資薦冀神儀直截生死之根苗速證清淨之妙果者耶夫以四大妄身有生有滅一靈真性無蓋無纏頓空一

念了寂滅自現前轉轉活鱗鱗說甚十聖三賢雖然恁麼那裏是他履踐處卽今一瓣香薰徹盡大千
又雲公大師

日本國關東道三州路高橋莊居住比丘尼某今月念二日茲值先妣雲公大師七周之忌辰謹書寫大乘妙典亦課誦同經十部仍焚一瓣寶香供養十方法界賢聖衆所集勝因奉爲雲公大師覺靈莊嚴樂土者伏願天鼓聲中速發般若之智寶蓮華內頓證無生之忍也尋說偈作證明者法門奇特最捷徑一念頓起迷悟情龍女南方成正覺總持少室受證明

三從五障屬塵夢六趣四生如化城真淨界中無去住且依願力度羣生

又周端菴主

忽驚流景刹那過二十二年一夢回曠劫深恩難可報淒涼秋色暗生哀

大日本國關東道三州路高橋莊居住比丘尼某今月初六日伏值周端菴主二十二年之忌辰謹書寫大佛頂萬行首楞嚴經一部又課誦大乘妙法蓮華經十部仍焚一瓣寶香供養三寶勝位所集善因奉爲覺靈莊嚴報地者恭惟棄俗歸真志最猛烈操履

潔於水全機硬似鐵既出生死窠窟豈隨聖凡途轍
正恁麼時七處徵詰頭上安頭三車火宅眼中著屑
是則是更有未後句在舉示大衆插香云戒香定香解
脫香光明雲臺遍世界供養十方無量佛見聞音薰
證寂滅

又

年年斯日頻惆悵永訣蹉跎一夢中罔極劬勞無所
報空餘涕淚洒春風

大日本國關東道三州路額田縣總持寺住持比丘
尼某歷劫到今輪轉諸趣改頭換面形生大本養育

劬勞何以報其德雖修恒沙善因不敢及其一分也

今月念六日茲值先君其名三人三十三年忌之辰謹啓

孝誠書寫五部大乘經尋減衣盂之資表供佛齋僧
之儀仍焚一瓣寶香供養三寶勝位仰願十方三世
諸佛菩薩諸聖賢等同垂哀愍共賜鑑知冀其各各
尊靈生生不昧正因世世不退菩提受生淨界圓般
若種智運慈塵刹度法界有情者耶恭惟猛烈丈夫
專懷至忠之誠捨命存義豈非偉時之英得一念頓
空說甚聖號凡名屠兒立地成正覺善財彈指過百
城轉轆轤活鱗鱗劔樹刀山遊戲自在五蓋十纏虛

徹靈明何以故如是般若勝妙力今日既圓成挿香云
一爐沈水燒未了杜鵑啼血暗傷情

又天關和尚

園林花盡風光別世上榮枯最苦心蝴蝶戀香春寂
寂杜鵑啼血綠陰陰此香生天地之先出萬物之表
絕榮枯離名相觸之者燎卻本來面目嗅之者打失
娘生鼻孔直得三世諸佛歷代祖師接物利生以至
盡虛空遍法界森羅萬象情與無情靡有不稟渠資
薰之力今日伏值前住雲林天關和尚一十三年之
辰信手拈來爇卻爐中聊伸眞法供養恭惟慧日門

中大陽子瀉山山下老牯牛天資成就丈夫事住山
氣象古爲儔後昆及今弔其跡仰慕道聲萬古流我
儂何幸臨此會不勝讚揚泪先浮

又僧壽禪門

光陰相逐到今日曠劫深恩何以酬獨唱考盤轉追
憶秋風落葉不勝愁

日本國關東道三州路額田縣居住比丘尼某今日
伏值先考僧壽禪定門二十三年之辰爲追薦冥福
就于廣澤禪菴施淨財設香齋拜請合山清衆頓寫
大乘妙典將謂孝順志可以感天地仍命山野焚一

炷香供養十方諸聖賢所集勝利專伸濟導冀神儀
常得生樂土菩提心而不退速悟無生般若智以現
前提挈一切羣生其證清淨妙果者夫以處塵不染
塵恰如泥裏蓮濁世不肯久住歸滅既三十年一念
入流七所動靜二相了然正恁麼時凡聖情盡生死
心滅寂滅自現前夫之謂是真精進是真法供養
如來者耶

又日法禪門

大火方流河漢清西風一陣動秋聲年年追憶到今
日三十三回夢忽驚

日本國關東道三州路額田縣居住比丘尼某今日
伏值先考日法禪定門三十三年之辰謹發誠心自
寫大乘妙典十部其志頗可以嘉也嗚呼人身難受
佛法難遇也父母生我也父母育我也父母教我出
家行道也是天罔極何以報其德雖修恆沙善因安
獲報萬分之一仍減衣盂之資就于廣澤禪菴施淨
財設精饌拜請般若清衆頓寫蓮經一部尋命山野
焚一瓣寶香奉獻十方婆伽梵一切聖賢衆所集善
因專冀尊靈生生紹隆佛種世世建立法幢者耶夫
以懷中心珠照破曠劫無明手裏智刃截斷悟迷妄

情正恁麼時渾無三界可出寧有一法所成羊鹿牛
車假設方便初中後善盡爲虛聲何故如是艸木國
土成佛說甚九類四生轉轉活鱗鱗穿生死窟倒
涅槃城今日焚香聊表信鐵圍山大海地中諸衆生
持經者聞香悉知其所在

又圓性禪尼 并溫範禪門

永訣蹉跎歲月淡精魂入夢再傷心多生業繫幾時
脫起坐淚更泪濕衾

日本國關東道尾州路居住比丘尼某濫廁空門報
資恩有之心日夜不怠假使分身微塵刹土雖修恆

沙善因安獲報答其德如是思惟自慚自愧而已一
夕因感靈夢謹發誠心逐日讀誦大乘妙典一千部
所集勝因奉爲先妣圓性禪尼家兄溫範禪門各各
靈位莊嚴樂土者右伏以幻妄境中覺卽夢實際理
地夢卽覺夢覺兩頭俱坐斷天道地獄取快樂艸木
國土成佛了便見地轉天旋傾湫倒嶽雖然恁麼我
門中渾不學何故咦是法住法位世間相常住

又真慧禪尼

海國春遲梅未開寒潮日夜扣冰來人生造物不堪
嘆老眼淒淒泪旣催

大日本國關東道尾州路愛智縣居住三寶弟子某
今月茲遇真慧禪尼百日之忌辰就于法雲禪院謹
發誠心聊設精饌屈請般若清衆頓書大乘妙典仍
命山野焚一炷香奉獻三寶勝位所集善因專冀頓
脫五障三從世世證清淨妙果永除多生罪累生生
圓般若種智者夫以四大妄身有迷有悟一靈真性
無死無生但得一念頓空了枯骨頭上活眼睛便見
艸木國土悉成佛森羅萬象放光明只要恁麼信得
及女流具足丈夫志氣出生入死七縱八橫

又悟窻和尚

此香不在混沌未分杳冥恍惚處亦不是離見聞出
聲色令人不可窮不可測也且依無住本假立一切
法也拈之則十方利土有情無情累世惡業如湯消
氷熱之則法華會上諸佛菩薩降臨道場同爲證明
蓋此經者如來一乘圓頓教也五十展轉尚受其德
何況親見親聞者乎今日伏值前大心菴悟窻和尚
七七之忌辰就于方廣禪院屈請般若禪衆頓寫此
經一部其功其德不可勝數也將謂一稱南無佛皆
已成佛道茲老漢因見其誠心之至聊遮涕淚唱伽
陀云誰知密用潛行處七十餘年勤積功一顆摩尼

襟宇照五千貝葉眼中空金瓶朝掬溪前水石磬夜
鳴簾外風重憶生平堅密志不堪惆悵夢相通

又覺願禪門

日本國泉州路僧某今月初八日茲值先考覺願禪
定門小祥之忌辰爲追薦冥福遠來山中謹減衣之
資揮金辨供齋現前學般若清衆頓寫大乘妙典其
志頗以可嘉也嗚呼父母形生之大本也從積劫逮
今恩愛所流注也雖修恆沙善因安獲報其德也古
德有言孝出於善而人皆有善心不以佛道廣之則
爲善不大而爲孝小也我今受其說寧不行其道耶

仍命山野焚一瓣寶香以伸眞法供養仰願十方婆
伽梵一切諸聖賢衆同垂哀憫共爲證明專冀幽靈
速出三界火宅早生九品蓮臺令大地有情同圓種
智者老拙當仁不讓因齋慶讚云奇哉圓頓一實教州
本國土悉成佛不信前村雪裏看寒梅吐玉香拂拂

又預修
滿散

日本國關東道三州路額田縣居住三寶弟子四部
衆等爲後生善處爲增延福壽謹發誠心營辦佛事
以伸供養切念各各衆等遠從多劫逮及今生隨迷
逐妄輪轉諸趣未有了日在今日何幸非獨受人身

遭逢此大法得作釋子也須是自家生慚愧改往修
來是故各各衆等揮金辨供屈請般若禪衆頓寫大
乘妙典專修觀音妙懺立浮圖誦真詮以其純誠之
至甚力故欲贊成之也教中所謂乃至童子戲聚沙
爲佛塔如是諸人等皆已成佛道何況一念誠心耶
仰願十方三世諸聖賢衆不惜慈愍降臨道場其賜
鑑知冀以所集功德回三毒爲三聚淨戒回六識爲
六神通回煩惱爲菩提回無明爲大智法界有情同

香獻二寶勝位所集善因奉爲增崇品位者也其詞
曰此香發生威音以前卓爾涅槃之岸開華不萌枝
結菓無影樹觸之則燎卻本來面目聞之則塞斷娘
生鼻孔卽今代受業弟子其信手拈來一熱熱卻以
伸供養恰學獻芹之意聊爲報恩謝德者耶

又頌
修

此香盡虛空裏收不得徧法界內尋不見雖然無銖
兩價直絕比量拈之則大地羣生累世無明如湯消
水熱之則從上佛祖接物利生依渠薰力今日信手

拈來奉獻二寶勝位爲證長居士源公延長福壽懺除罪愆者也此公雖處塵勞全有絕塵作略可謂世出世間過量大人也茲就于山中拜請學般若清衆頓寫蓮經一部其功德不可勝數夏冀壽報百年之後常生淨界河沙有情同圓種智因成一頌聊爲證明元來此道出賢愚一念知非是丈夫曠劫罪山當下碎多生業海卽時枯初中後善徒勞力羊鹿牛車何所圖真俗兩頭俱坐斷逆行順化不相拘

又蓮性禪尼

日本國關東道三州路願成寺僧某爲追薦蓮性禪

尼冥福謹書寫五部大乘妙經所集功德專冀尊靈超昇佛界不滯幽塗與河沙有情同證妙果者夫以父母形生大本也雖粉骨碎身安獲報劬勞之恩自非仰諸佛加被何以消遣恩愛之習也今日值小祥之忌辰聊減衣盂之資得得來山中表供佛齋僧之儀以伸供養茲老漢因齋慶讚向人天衆前打饒舌也孝順父母乃人子之常情也一念知非論甚恩愛習氣也曠劫恩波徹底乾根本無明盡情滅也所以羣嚴會上善財童子一生成佛說大集經時魔王利那成佛道法華座席龍女成正覺涅槃會上屠兒立

地證無生是皆一念相應得阿耨多羅三藐三菩提證據也須信妙經功德如是而已仍重唱伽陀以加讚揚云五時說法世奇哉合下轉凡成聖來不是當人精進力如何磨得此靈臺

又本覺元公禪定門

訃音再到夏增哀不見尊容既一回空掃荒墳弔其跡淒涼秋雨洒蒼苔

日本國關東道三州路高橋莊寶樹菴比丘尼某今日伏值先考長樂寺殿本覺元公禪定門小祥忌之辰謹發誠心書寫大佛頂萬行首楞嚴經一部仍就

于方廣禪院施淨財設精饌營辦供佛齋僧之儀所集善因奉為尊靈莊嚴報地者右伏以佛教萬行以戒為首戒則以孝為本儒教萬行以仁為首仁亦以孝為本是故曰孝悌也者其仁之本歟儒釋二教皆尊崇之我豈不肯行耶嗚呼生我父母也育我父母也吾父令我祝髮染衣為釋子也旻天罔極何以報其德也老漢茲因見其孝道之志聊表追感之誠謾成拙偈以加讚揚云狂心歇了菩提現迷悟從來渾不存法雨洗除煩惱穢慧燈照徹涅槃門高名威德逐先祖豪貴英雄及子孫誰識丈夫機用別直超凡

聖契真源

又預修

此香不因造化之功非借栽培之手大於虛空廣於法界蟠根實際理地開華涅槃岸上觸之則生死魔倒退千里嗅之則迷悟夢忽爾驚起直得蠢動含靈森羅萬象地獄天宮有情無情齊成佛道以至從上諸佛諸祖接物利生靡有不稟渠資薰之力今日拈出大衆之前熱向爐中奉爲大心菴悟窓和尚祈保康安增延法壽仍成拙偈聊加慶讚云遁跡山林經歲月道容冰雪趣還清金剛正體無今古成住壞空

假立名

又德阜大德

風前屈指頻惆悵光影如流既七周記得昔年今日別白雲紅樹一場愁今日茲值德阜大德七周之辰爲追薦冥福就于方廣禪院拜請般若禪衆頓寫大乘妙典謹焚一瓣明香恭伸供養仰願十方盡虛空界三世過現未來諸聖賢衆降臨法筵鑑斯丹懇冀尊靈須憑薦拔之功直指超昇之路罪山破碎障海乾枯與河沙有情同證無生法忍者仍成偈作證明云曾以法華三昧力直參教外別傳禪假談四諦化

城裏且設三車火宅前功德林中花燦發菩提路上
月孤圓一機瞥轉情塵盡不涉階梯越聖賢

又普照光公

風吹窻竹商聲動雨歇庭梧秋色涼時節因緣真佛
性莫將生滅謾論量此香出生大極之前不因造化
之功根蟠實際理地華開不萌枝上離見聞出聲色
觸之者心華燦發照十方空嗅之者全機瞥轉超三
界外今日茲值滿願寺普照光公一十三年之辰信
手拈來熟向爐中供養十方諸聖賢衆所集善因仰
冀尊靈空死生於當體了涅槃於自心忉利天宮專

證摩耶以至法界有情見者聞者隨喜者齊登覺岸
者也仍成一偈以加讚揚云夙植信根功德母榮華
富貴獨兼全三從五障本無實四生六凡俱立權彈
指直歸無垢界刹那往詣率陀天女流具足丈夫氣
桂子蘭孫結善緣

又繩誓禪門

雨晴郊外翠光濃松奏琴聲萬嶽風眼底江山般若
體幽禽啼斷白雲中

日本國濃州路城田莊居住菩薩戒弟子某今日伏
值先考繩誓禪定門三十三回之辰爲追薦冥福謹

發誠心就于了義禪院營備供佛齋僧之儀其孝行之志可以感天地鬼神也仍命山野焚一瓣寶香供養三世十方微塵刹土中諸聖賢衆所鳩勝利專冀先君尊靈無邊煩惱海徹底乾枯無量智慧花廓然開發與一切有情同證妙果者伏以幻妄境內假立生死之名真如界中元無聖凡之情五蓋十纏般若體六趣四生涅槃城恁麼荷負去非獨報親德可以度羣生夫謂之世出世間過量丈夫名遂功成一爐沈水聊表信天上人間薰氣橫

又大拙和尚
又 十三年忌

萬里浮盃過大方功成名遂照扶桑楚山吳水同遊歷今日相逢愁一場此香普天蓋不及大地載不起昭昭顯於羣象之前不有不無朗朗出於諸塵之表難摸難索放去非離拈來非卽觀面無差悞擬心艸裏輓今日伏值前建長大拙和尚一十三回之辰熱向爐中聊伸眞法供養恭惟無明眞子幻住的孫奇言雄辯神號鬼哭眞機妙用電激雷奔宏開向上爐鞴鍛鍊羣生本源三提住山鉗斧再得扶起宗門這箇是他平生自受用底三昧如何是末後光明巨福峯頭震法雷其道其德塞乾坤

又明叟鑑公居士

滿山紅葉如浥錦一院黃花似撒金佛事門中唯此
是松風吹奏沒絃琴

日本國關東道遠江州井鄉居住三寶弟子孝子等
今日伏值先考明叟鑑公禪定門小祥之辰為追薦
冥福謹發誠心自書寫大乘妙典專冀以此殊勝妙
利報答劬勞莫大之恩亦酬報前世中曾為眷屬者
以至一塵一利無不周旋無不利益也茲老僧因見
其孝道之志嘉歎久之西天那吒骨肉還父母中華
曾子身體不損傷是皆知恩解報恩者現今孝子等

各各不憚勤勞欲酬其德豈忝從上先賢耶仍成一
頌聊加讚揚云法華一會八年說聞說都盧成佛來
今日重因誠志至上天下界出輪迴

又源公雪山居士

處塵還有出塵作恰似蓮華敷淤泥真俗羅籠俱透
脫全機獨露越階梯

日本國關東道三州路今橋鄉居住三寶弟子但馬
守源公雪山居士身雖處塵勞志淡存此道諸根所
作不善不覺積少成多自非懺悔之誠何以消其罪
茲書寫五部大乘金文預修歿後之善因今日遠來

山中聊表供佛齋僧之儀以伸供養其誠志之至實不可得也須知只箇一念便是成佛作祖底基本也何以如是妄本無性因業起一念知非如湯消冰乎仍唱偈作證明云竒哉猛烈丈夫氣卽念打翻迷悟情屠子利那成正覺魔王直下證無生壽山疊疊高還秀福海源源寬又清方識多生般若力政聲威德有誰爭

又匡性禪尼

江湖歲暮春將至雪裏梅花漏玉肌追憶昔年今日別無端引起一場悲

日本國泉州路人事某今月念二日伏值先妣匡性禪尼七周之忌辰爲追薦冥福就于方廣精舍營辦供佛齋僧之儀尋命山野焚一瓣寶香奉獻二寶勝位仰冀幽靈承諸佛提挈證清淨妙果永脫二從之障直登九品之臺者也老僧因見孝誠之志嘉歎久之仍歌一聯古賦聊表薦悼之意嗚呼父母形生大本也順色承顏孝道切一別蹉跎經七周萱堂夜夜空餘月劬勞罔極何以酬不堪惆悵淚欲咽臨江尋魚苦敲冰入林泣笋頻掃雪年年此日一爐香上天

下界普薰徹

入塔松巖大姉

暑雲未散秋風起，光影如流事可憐。
順色承顏期幾日，空令涕泪洒靈筵。

日本國關東道遠江州井鄉圓通寺住持僧某今日
茲值先妣自淨菴主松巖大姉盡七日之辰聊以孝
情之至造立一基浮圖特特來山中謹命般若禪衆
以伸供養仰冀以此功德超昇佛界不滯幽塗與塵
刹有情同證妙果者右伏以古教云假使左肩擔父
右肩擔母遠須彌山百千萬億匝終不能報父母少
分之恩幸而我等身依法席跡厠禪叢這回不運孝

道之志奈何負其德也仍效蒲鞋之風聊表聚沙之
意也山僧因見其志之切加證明云若是出家兒存
一念向般若上未說打破漆桶只這誓求無上菩提
之心其功其德不可測量莫道報答今生父母便見
百劫千生父母之恩無不報者也更成一偈普示大
衆云三尺浮屠新建時當陽突出峭巍巍此功永及
未來際聞見都盧佛位歸

入塔日峯和尚

行解相應世所稀此師平昔露心機且乘願力立基
業多少群生皆其歸恭惟曾屬佛光正派寧辱龍峯

的傳胸中消除毫末眼底空卻大千於已行持水潔
霜嚴爲人操履地轉天旋一生甘韜晦此地感法緣
後昆立浮圖功德夏無邊者箇是吉祥開山日峯老
和尚還家穩坐底消息夏有末後句在諸人還知麼
虛空拶出黃金骨光輝千歲照人天

鎖龕玉龍泉大師

石泉凍合水聲絕林野雲封山色阻鎖斷去來生死
關無垢界中超龍女

起龕 同

透過生死岐路不與諸塵作對殘月印泉雲出岫行

人夏在青山外

下火 笑堂忻書記

日轉林頭向夕陽秋風落葉共淒涼無端唱起無生
曲大地山河愁一場笑堂忻書記天資提起丈夫氣
猛烈志願已十成忻然抹過生死關當下靠倒涅槃
城鐵磨暗飲氣末山又吞聲雖然恁麼如何是末後
句以火插圓相云文彩彰時火逆雷激艸木叢林放光明

又性喜禪定尼

春到事可憐落花隨流水物皆有榮枯人豈無生死
性喜禪定尼現今喜怒哀樂歷劫五障三從一念與

道相應時，生死去來都無蹤。以火，抑。這裏薦得法華會上八歲龍女，其或未然，火裏螭螂，蟻蜈蚣。

又洞都寺

元來不生死，何立凡聖情。消生死空幻，妄夢回頃刻。際雲臺塵盡，利那中百花洒。淚春天雨，萬嶽悲哀暮。日風劫火洞然，大千壞金剛。正體古今同。

又悟窻省和尚

人生何事缺，長久懸榻交。遊多作空白，首愴忙歌伐。木蕭蕭，淚雨洒。秋風恭以惟大心，菴頭悟窻省和尚。一入瑞光之室，省悟根源，再辭悟性之命，遁跡幽村。

神機電激，智辯雷奔。下視祖道爛卻，無佛處獨稱尊。失腳踏斷生死窟，當頭打開涅槃門。劫火燒海底，毘嵐鼓須彌。無窮聲價塞乾坤。

又松巖秀大姊

人生榮枯虛幻中，百年底事夢相通。千峰洒泪黃梅雨，萬壑悲號艸木風。自淨菴主松巖秀大姊，坤德受天借路人間。節松秀操履冰寒，氣吞劉鐵磨勢壓老末山。正當恁麼時，不往聖凡窠窟透。過生死牢關，是則是更有末後句，在切須理會始得。舉火，金剛猛焰，亘天地無邊業海盡底乾。

又明叟鑑公居士

白首倉忙向夕陽，悲風忽起淚沾裳。幾多豪傑化爲土，今日重添愁一場。明叟鑑公禪定門，猛烈丈夫志氣衝天凌得西海風。波暴家山烟雨打安眠，可謂功成名又遂。五十六年豈徒然，靈鑑高懸照破生死窠窟。智刃橫拈裂開真俗蓋，纏正與麼時。萬年一念十方目前是，則是誰知他真歸處。以火打圓相云諸人高著眼，見烈焰堆裏生紅蓮。

淨秀大姊來求工夫，用心指示之語。余云：死生大事，人人腳跟下，大事也。豈用他人開發，然後爲要。

緊者哉，雖然當知我別有方便，示汝如說承當。如說趣向，如說行持，便見生死魔軍倒退三千里。仍書下火佛事與之。

如何是本來面目，水淨山青，松自秀，向這裏薦得出。生入死得安寧，毫釐涉差別，爭奈何埋沒已靈。恁麼領略去，待百年氣泯，六趣四生紅爐片雪，三從五障日下流螢。雖然如是，更有向上竅在。汝還會麼。擲下火炬云昆嵐鼓迷海劫，火燒滄溟。

預修妙燈大姊

生死去來鏡上塵，埃打破一鏡鋸舞。二臺燈燈相續。

無文詩錄
心心相傳總持得少林印鐵魔合滄山緣正恁麼時
出生入死都無拘纏炬舉火大衆現今底是生耶死耶
劫火燒海風動地金剛正體長宛然

又華屋榮公居士

猛烈大丈夫機鋒誰得爭手持吹毛劍不戰屈人兵
意氣貫虹蜺作略驚羣生所以給孤園裏榮佛性之
妙華不二室內發自己之光明豎起火大衆高著眼
看等閒擲下金剛焰生死魔軍自竄伏吉祥瑞慶集
大成

又明義大姊

女流具足丈夫氣五十年來義獨存夢幻空華俱坐
斷豈臨大變亂心源元無男女阻寧存迷悟情懷抱
磬苦操履水清末山渾結舌總持亦吞聲正當恁麼
時掀翻生死窟靠倒涅槃城豎起火大衆著眼看本
來不生卽今不滅烈焰堆裏脫體現成

又直菴心公高栖菴主

參得天龍一指禪家山風月送殘年有人來問菴中
事不涉言詮只豎拳直菴心公高栖菴主禪師卽心
卽佛非心非佛坐斷兩頭如何行履若有行履之處
則有迷有悟有生有死若無行履之處則無凡無聖

無憂無喜正恁麼時且道生耶死耶咦不是生不是死佛界不收魔界不攝畢竟從何處起豎起火看看劫火洞然大千俱壞般若正當體無終無始

又道珍禪門

收得自家無價珍長年受用不違真纔教一念空三際現在色身便法身既出聖凡窠窟說甚生死涅槃泥牛推倒山萬疊木馬咬破鐵一團豎起火且問大衆卽今底是生耶死耶六月炎炎天落雪丙丁童子面門寒

○偈頌

山中偶作二首

作家莫道甘淡薄荷葉松花衣食餘終夜愁眠天曉起更無塵事可消除老來甘得一身閑不管世間行路難莫道幽居人事略白雲送了接青山

山中偶作三首

山中樂勝豪家富三伏松風清肺肝冬夏元來唯一衲世間惱熱不相干綠樹陰陰五月天黃梅枝上雨連綿疎簾捲起江村暮滿座薰風氣爽然

五月初頭梅未黃參差夏木繞禪房閑吟緩步風前
立架上薔薇著雨香

遊龍門亭

皇都城外西山寺白馬青袍爛熳遊花底題詩逐胡
蝶沙頭酌酒散羣鷗落花吹雪東風急瀑布穿雲江
水流聞說先王駐玉輦從官列道祝千秋

山中偶作二首

艸堂秋夜坐翛然山月當軒清弄妍五十年來閑妄
想樹頭風過小窻前

獨坐寒牀嘆古今青燈白髮動愁吟窻前一夜芭蕉

雨滴盡江湖無限心

宿法輪寺

淡沈蘭若西山下樓閣重重結構牢平野星低侵露
冷前峯月上挾霜高一江流水自愁色萬壑松風亦
海濤禮誦聲長天欲曉滿溪雲氣濕方袍

示徒

不忻靜處鬧無厭心本如如境亦閑賴有一團疑未
破何須著意外頭看

山中偶作二首

寒牀靜坐向溪夏萬壑風生松有聲莫道山中無快

活紙衾柴炭適吾情

白髮山人睡自微霜風一夜怯單衣寒窗聽雨天將曉開戶方知黃葉飛

再歸舊隱

杖錫飄然歸舊山松杉寂寂避人寰滿庭黃葉無人掃唯有閑雲自往還

秋風白髮蕭蕭至門外塵埋路更淡與我青松如有約於今不變歲寒心

訪隱者不遇

幽居地僻客無來風起空庭門自開書案塵埋人不

見一簾秋雨掃蒼苔

示徒二首

纔生一念卽違真生滅卻如旋火輪寄語今時學道者袈裟下莫失人身

四大假成主是誰依然問著没人知只將放逸莫空過識取眼光落地時

次韻酬超書記

年老心愚事未休無端惹起別山遊一宵同話江湖夢雨電敲窗冷白頭

歲且試筆

梅彰新歲瑞電勒舊年寒時節因緣至人人著眼看
偶作

邪師說法數如麻般若靈根正敗芽祖道安危非我
事柴門淡掩送生涯

贈僧之勢州參方

江山春至日悠悠衲子紛紛催遠遊聞說勢州佛出
世善神護法共低頭

送性空藏司赴但之大梅之請

凌晨拂袖下層翠野店涼飈秋正來雲散東關朝渡
錫月明北海夜浮盃如來藏裏貝多葉知識門庭破

艸鞋去去應須提鋤斧撥天聲價響如雷

送傑藏司

飽參衲子傑藏司遍歷諸方宗說通八萬塵勞胸下
盡五千經卷眼中空清晨起定雲成蓋薄暮談禪花
散風他日大蟲生兩翼何人爭得活機鋒

書虛磐亭三首

幽居自是境緣清夏木排窻帶雨濃柯葉四時曾不
改歲寒心有澗邊松

白頭深愛林間好三伏松風徹骨清此地由來無俗
事只將吟嘯遣幽情

孤榻夢回天未曉，泉聲一夜洗紅塵。流螢窗外照書帙，引得詩情句更新。

次韻酬陽山和尚

一別蹉跎經歲月，不知霜鬢積頭顱。傳聞東國雲巖寺，如是道風千古無。

○道號

自休

已靈不重聖，何覓逆順境。中都適情終日無緣底，事憨眠夜夜至天明。

大極

空劫已前那一句，是凡是聖共圓融。自心窮到本願地，十世古今當念中。

勤翁

自心精進未曾怠，到老還無退轉時。長養將來年月久，潛行密用有誰知。

蘭室

九畹叢中淡掩戶，不排三萬二千牀。寥寥函丈春難避，他日須知引國香。

大明

曙色未分時，一句森羅萬象黑。漫漫金鳥飛上扶桑

樹方識從來被眼瞞

無價

絕勝隋珠下壁類千金難報自家珍一生受用未曾盡蓋天蓋地今古新

泉山

雨餘春水涌幽庭羅立諸峯蘸影青愛見雲林勝絕境更尋何地得寧馨

雪山

萬壑千巖晉賢境孤峯不白也奇哉瞿曇六載苦行處大地群生瞻仰來

松巖

萬壑風濤轟怒雷千年蒼翠擁懸崖孤猿叫落三更月恐是空生起定來

琴溪

三尺古桐磳底橫涓涓流水類其聲夜淡和月重傾聽疑是松風萬壑生

悅翁

男兒老大遂功名久遠工夫既十成白髮垂垂經歲月飽食禪味快平生

法外

軌則元來曾不存，逆行順化與誰論。飢食渴飲無他事，佛語猶嫌觸耳根。

澤翁

藏山春水自湛然，雲夢舊名今夏傳。君若老來行至德，嘉聲大播幾千年。

○佛祖讚

佛成道

曾出王宮入雪山，六年艱苦骨毛寒。覺天雲散星方現，大地山河春一般。

文殊

人謂元來七佛師，即今見底小童兒。金毛背上長癡坐，智慧海深誰得知。

觀音

元是補陀巖上主，塵塵利利現慈容。度生悲願何時了，閉坐寥寥瓶柳濃。

又

三十二身應念現，莫持一樣費精神。手攜瓶柳洒甘露，腳踏青蓮梵相新。

又

入流七所時所入，既寂滅如何歷劫來。度生願未絕

地藏

忉利天宮承聖敕閻浮提內度羣靈掌中如意救貧
乏腦後圓光照暗冥

達磨

遠來此地流傳法落艸尋人心未休隻履悽悽蔥嶺
過梁朝魏國一場愁

大覺禪師

三十二身應物化前身未去後身來大圓鏡裏無瑕
類不用重添一點埃

中峯和尚

古佛出塵世高峯真的傳玄風宏振地聲價遠鳴天
言下辨邪正機前破蓋纏要知他面目淡夜月輪圓

又

再世老無門今時兩足尊羣生同景仰聲價動乾坤
又

天目山中老古錐袈裟撩亂髮如絲平吞佛祖波瀾
闊稽首人天大導師

又

獅子巖前獅子兒一聲哮吼動乾維傳聞再世無門
老乘願來扶末法時

又

高峯的、子雪巖、孫正是人間兩足尊、宗說相通無比、
類玄風宏振盡乾坤

千巖和尚

這老和尚全機電卷妙、用雷奔名播江湖、德滿乾坤、
佩幻住之密印、顯高峯之的孫、仰瞻遺像來遠地、於
無佛處獨稱尊

古梅和尚

稽首大和尚、聲價遠響天、般若老古錐、真子再來小
釋迦、正傳於己行持如水玉、爲他作略破蓋纏眼底

空卻一世界、方寸包裹盡三千、不肖遺第一模脫、又
令家醜揚外邊

石屏和尚

這老和尚忒殺不近人情、敲出列祖骨髓、活奪衲僧
眼睛、全機電卷雷走、操履霜濃冰清、開基香積之界、
播德防州之城、再來仰山、三代子正是吾門、一世英
大拙和尚

正續遠裔天目的孫、聲喧區域德充乾坤、三提鉗斧
再起宗門、難遭難遇世兩足尊

又

伏龍山裏活龍兒，且向海東雲雨施。昔日同遊吳楚地，無端相遇老懷悲。

巢父

遠聞上古淳，迄今人皆喜。潁川流最清，洗耳污其水。仲父

水有清濁，二牛無忻厭。意仲父意不公，不敢避其地。

○自讚

建感侍者請

本是山林招隱者，誰圖陋質墮人間。丹青弄色染衣綠，白髮如霜照鏡寒。虛室惜烟孤夜坐，地爐煨芋自

朝食茫茫世上無，知己倒臥橫眠一榻寬。

建律禪人請

咄這懶衲有甚面目，喚作無文則背，謂非無文則觸。昨日孤峯頂上帶雲作衣，今日十字街頭結艸爲屋。恁麼又不恁麼，兩頭俱無拘束，不須盡空皮袋，特地著好衣服。

建幢侍者請

松下坐
竹椅

林下甘韜晦，未經名利場。栽松當屋宇，編竹作禪牀。衣染千山綠，髮添萬壑霜。老來無別事，危坐一爐香。建挺侍者請

光陰相逐歲云暮七十臨頭髮帶霜淡愧人間留
質後來還墮是非場

建芳侍者請

福慧二嚴都缺了如何得做紫衣僧丹青誤畫所生
面模樣還成萬世憎孤榻塵埋風掃席禪窗紙破月
爲燈長年林壑甘清苦誰識襟懷冷似冰

建澄禪人請

枯坐倏然一榻高頭毛帶雪照方袍我儂面目離名
相欲入畫圖還自勞

建詰禪人請

元是江湖閑野僧山林市井自騰騰可憐手裏黑蛇
子何日化龍雲氣增

建穎禪人請

一法不存何所說娘生口掛壁頭邊丹青誤入畫圖
裏取笑傍人幾百年

建珠禪人請

一生說脫空這箇爛凍膿指鹿還爲馬喚蛇以作龍
浮杯青海上海杖白雲峰不借畫工手頭毛霜自濃

英維那請

咄這老漢道又行不起禪又參不徹一生甘疎懶林

下獨養拙聞名耳裏雷視利眼中屑要見我相貌頭
上一堆雪

建閻禪人請

老倒禪和年七十袈裟撩亂髮鬢鬆一生未踏利名
地千古無隨凡聖蹤出定經行雲起石焚香默坐露
垂松爾儂要見我真相五彩圖成渾不容

高照侍者請師今慈春有厭世意

我無知己誰知我終向塵間不作羣溪愧幻軀留畫
上最飲白骨腐江汾亮公曾隱西山雨瓚老既埋衡
嶽雲六十年來形弔影於今何用事紛紜

辭世

平生顛倒 今日郎當 末後一句 雪上加霜

又

生如出岫雲死似行空月一念認性相萬劫繫驢橛

溪奧山無文和尚語終

無丈禪師夙來願轂遠跨
溟渤歷登大元諸老門戶
到處以法器崇異道佩古梅
法印為楫後香風雜病
晚創奧山學子茶湊生施
為提演直截根源神出鬼沒

霆飛霰擲惜來全錄曾
燬于兵殘編僅存茲者淵龍
陽舜秀公與本山耆宿昏議
訂考以行狀併以圖錄梓傳
法不朽其志尤篤矣錄是
竊惟吾國有源宗已年以

帝王種不德尊卑勤修以
荷負大法之重一時名震于
古者佛國廣遠國師及唯
師而已然佛國未不殊域乎
區佛光在後親得印德屢
於名山語錄已為流通如


師也跋涉生涯返報後備書之
而不肯存法利確采坐臥
一方家風又與佛國不同
報久沈羶在塵堆中閱者
鮮也而今數百裡之後
無文之文燥於紙藪字內

者一是至誠之正也
雖然涉後偉光以與日星
並進初各各少以者徒向
丹子上摸索則非是字之
文倘或於片言不數隻字
少之也按者精彩觀透

其宏機妙、用脫灑自在、
處則與法直相見之、
今彰 告

享保戊申孟冬日

前建長 玄璠謹書



無文和尚語錄後序

我 開祖無文禪師分派天潢、夙遊漢土、
微笑古梅一枝之春、挑起正續六世之燈、
歸楫之後、屏迹於諸州、晚歲隱霾、與山然、
惟德惟馨、雲水景從、士庶艸靡、建化滋熾、
是以提唱偈頌、發揮宗猷、接化來機者、格、
古調高和者、彌難蓋其全錄、門人紙襖所、
記而曾傳我山數厄、鬱攸之災、元本副藁、

悉屬灰燼本郡龍潭室中僅有開祖語錄一卷然以其畸冊恐罹世之駁議卻溷其真祕而不出淵龍寺主陽舜自青齡親侍輪下逮乎入波祖流波憂此本無副蟬爛篋中遂失其傳而數登我山告之闔山之徒亦雖爲之大息而以時機未熟未奈之何客歲日州古月材禪師從甲之慧林迴法旆於本州之日觀光於奧山投宿於

龍潭夜話及我開祖之行由時陽舜請龍潭和尚以語錄眎材師材師題言稱讚兼屬以公世豈非時機相熟者耶於是闔山建議就龍潭謹請其元本祖山和尚宗盟醇厚不隔以涇渭感喜一山之誠志許賜焉闔山盛會祖堂炷拜繙閱則肅然如親承玄誨於三百年後矣嗚呼我山所傳之全錄其亾久矣以此本獨藏于他山


今得珠還合浦者豈不幸哉鑑往料來焉
知此本不再歸烏有因命陽舜附以國字
鏤梨棗以公于世他日搜索全錄於古叢
靈窟以補闕卷則我門之大幸也庶幾為
其兒孫者舉一隅於法語偈頌之間而反
之亦足以見開祖一代之商略云爾

享保十三年歲次戊申三月上澣

方廣輪筌住持

智融

謹書于丈室



方廣四派

東隱院祖宗

臥雲院慧梁

三生院慧通

藏龍院禪留

無文和尚語錄助刻

方廣寺內	臥雲院	同	東隱院	同	淨居院	小池	龍翔寺	澀川西	光院先住	田澤	龍珠院	神谷	洞雲寺	大谷	高栖寺	宮口	庚申寺
高天梁	匠山宗	祖日	大宗休	湘南潭	穎川牧	萬春雄	要道三	寬道鎮									
同	三生院	大真通	同	正法寺	栢禪樹	賢翁良	慧周	桂輪海	寂翁定	智貞	澄瑞明	梅翁榮					
同	藏龍院	鎮州留	同	禪流寺	俊龍猊	大圓成	天寧清	泰道心	興林隆	物道萬	悟菴聰	靈泉昧					

橋爪	西傳菴	寺鳴	西隱寺	川袋	松林寺	阿多古	泰藏院	石原	正光寺	大鳴	吉祥菴	井代	寶珠院	大野	不二菴	同所	大野下山	孫太郎
慧吟	快翁丈	樞山要	正宗覺	一空如	大仙悅	的宗玄	盤龍珉	小野都	種峰									
小松	光正寺	鐵門關	同所	大傳寺	鵬禪鯤	天湫鑑	萬瑞法	岷水舟	乾龍鈞	圓應教	祖本	祇直						
同所	紹隆寺	齡宗龜	老間	祥光寺	瀛洲泉	夏岳陰	圓通融	智淨	能登瀨	規菴矩	石門禪	祖秀	淵龍寺	新大田氏白雪				

闔衆同志捨淨財刻此錄以酬 祖恩 伏願
佛種不斷世世建光明幢祖印親傳人人開無
盡藏 戊申自恣日 幹事比丘 祖秀 謹識

明治廿八年二月二十日翻刻印刷
全 年二月廿三日發行

發行者 帆坂清作

東京市神田區猿樂町十二番地

印刷者 大澤鉞三郎

東京市墨區傳馬町二百十九番地

